

周
易
述
翼

周易述翼卷五

賁禹黃應麒學

山陰宋澤元校刊

繫辭傳上

天尊地卑。乾坤定矣。卑高以陳。貴賤位矣。動靜有常。剛柔斷矣。方以類聚。物以羣分。吉凶生矣。在天成象。在地成形。變化見矣。

天尊純陽積氣而上。浮地卑純陰凝質而下。奠易之乾坤已定於天地矣。此與天高地下萬物散殊而禮制卑行相表裏禮言其事易言其理也卑高者在天則日月星辰在地則山谷川瀆易爻貴賤已位於卑高矣。五為君則貴上貴而无位四三二初則臣民之賤也天地間陽動陰

靜。固有常。卽陰陽各有動。靜亦有常。易之陽剛陰柔。奇卽

耦

因之斷矣。天之方經緯。次舍地之方燥濕。剛柔人之

方向背左右。皆以類而聚。天時地利人情是也。物卽方

中之物。

未濟之象曰。慎辨物居方。

其品則以羣而分類。別也以類聚。

是由分而合。羣合也。以羣分。是由合而分。或合或分。順

理則吉。逆理則凶。卽易吉凶所由生也。在天成象。在地

成形。兩在不同。皆出一氣。如在天日月星辰。卽在地火

水石土。

如春秋傳隕石於宋。卽隕星是也。

象言其菁華。形言其形質也。

張子曰。兩在故不測。此變化之在天地也。易之老陽變

少陰。老陰變少陽。由是見焉。此一節言易理在天地萬

古。不。移。未。有。易。而。易。理。已。具。既。有。易。而。易。理。在。天。地。之。間。此。不。易。之。易。也。

是故剛柔相摩。八卦相盪。

陰陽相迫切。謂之摩。

如老陽變少陰。老陰變少陽。

陰陽相交錯。謂之

盪。

如一卦變八卦。八卦變六十四卦。

天地之初。陽剛陰柔而已。兩相摩

而有雷風日月山澤之象。猶易之初。乾坤而已。兩相摩

而有震巽坎離艮兌之卦。由是乾與兌離震巽坎艮坤

交。即兌離以下。无不交。

即先天圖。乾天。次澤。天。次火。天。次風。天。次水。天。次大畜。天。次小畜。水。天。

需。山。天。大畜。地。天。泰。是為八卦相盪。而為六十四卦。此

又天澤履。以次相交。

易之交。易即天地之交易也。

鼓之以雷霆。潤之以風雨。日月運行。一寒一暑。乾道成男。坤道成女。乾知大始。坤作成物。乾以易知。坤以簡能。

此一節由天地之變易而歸於易簡統上文成象成形。

相摩相盪變化不測皆不貳之德握其樞也鼓萬物之

生機莫大乎雷霆。見穀梁傳。潤萬物之生氣莫大乎風

雨。震雷離震。日行寒。則月行暑。日行暑。則月行寒。漢志。

日極南至牽牛爲冬至。是赤道也。月則立冬。冬至從黑

道。日極北至東井爲夏至。是黑道也。月則立夏。夏至從

赤道。是謂日月運行。一寒一暑。暑以舒萬物之生。寒以

斂萬物之藏。吳氏曰。羲皇圖左起震。次以離。鼓之以雷。震也。右起巽。次以坎。潤之以風雨也。離。

坎月艮山在西北。嚴凝之方爲寒。兌澤在東南。溫熱之方爲暑。左離次以兌者。日之運行而爲暑也。右坎次以艮者。月之運行而爲寒也。書曰。日月之行。則有冬有夏。按吳氏姑從先天圖發明此二語。實則日行東南是近赤道爲冬至。則非。若月行西北是黑道。則爲寒。以日此行月行。分貼寒暑。雖覺有理。究未清亮。從班志說是。此變化之行於天者。品乾陽道以生者成男。品坤陰道以生者成女。凡物雌雄牝牡亦然。此變化之在於地者。統上文千變萬化。莫不有始而惟乾主其大始。莫不有成。惟坤作其成。象傳乾元資始坤元資生說其主之也。无心則易知也。其作之也。无迹則簡能也。易平易簡簡約。卽健也。順也。中庸曰。其爲物不貳。則其生物不測是也。其在人易知。卽未發之中。簡能卽中節之和。立天下之

也。大本而天下之千變萬化皆由此出此乾所以統乎坤

易則易知。簡則易從。易知則有親。易從則有功。有親則可久。有功則可大。可久則賢人之德。可大則賢人之業。易簡而天下之理得矣。天下之理得而成位乎其中矣。

此一節言人能體乾坤之德其極與天地參也。易者天之誠相見以誠則人易知。簡者地之順相接以順則人易從。易簡之德人得於天地者。即天命之性。率性之蓋道自物欲汨性流為難險逆理則人難知難從。蓋得乎人。同然之性不獨易知也。人皆愛之則有親矣。協乎人大順之情不獨易從也。人皆化之且有功矣。有親

則天下俱見以誠是與天同其久。不誠者不可久也。有功則天下共協於順。是與地同其大。不順者不可大。德成於己。業見於事。在天地則盛德大業。在君子則崇德廣業。故曰賢人也。德不久則積不崇。業不大則積不廣。何以勝人。是天下之理萬殊總不外於易簡是誠也者。盡己性。盡人性。盡物性。參化育。天位乎上。地位乎下。人位乎中矣。是本舊說在下文詳辨。愚按此一節。先儒主學易者說其來已久。竊疑非也。首節言易準乎天地。凡不易交易變易。俱歸本於易簡。則此節惟以易道言。以勉乎體易學易之人也。易則易知者。謂易道坦易。天下所易知。卽幽明之故。死生之說。鬼

神之情狀。无非一。誠所出。所謂確然示人易也。簡則易從者。謂易道簡約。萬物所易從。故遠則不禦。邇則靜正。天地之間。則備无非大順。所謂隤然示人簡也。易知則有親。无有師保。如臨父母也。易從則有功。定天下之吉凶。成天下之亹亹也。有親則可久。吉凶與民同患。而窮則變。變則通。通則久也。有功則可大。廣大悉備。有天道。有地道。有人道也。可大可久。謂德業盛大在天地。則富有日新在聖人。則崇德廣業在君子。則進德修業。皆從易簡出也。易簡而天下之理得者。易簡之善配天地之至德。而以通天下之志。定天下之業。理无不得也。

成位。卽天地設位。易行乎其中。回應天尊地卑。乾坤定矣。管見若此。願以質之高明。

右第一章。此章明未作易以前。易理在於天地。旣作易之後。易理在於人身。以起下章君子也。

聖人設卦觀象。繫辭焉而明吉凶。剛柔相推而生變化。

宓義氏設八卦。觀天地雷風日月山澤之象。重爲六十四卦。文王繫彖辭。周公繫爻辭。觀萬物之象。以明吉凶。剛柔相推。謂太剛推爲少柔。太柔推爲少剛。一卦變六十四卦。六十四卦變四千零九十六卦。二萬四千五百六十四爻。而變化生焉。

卦未設而剛柔之斷。在陰陽動靜之中。卦旣設而剛柔之推。生

變化吉凶之象。

是故吉凶者。失得之象也。悔吝者。憂虞之象也。

吉凶悔吝者。易之占辭也。失得憂虞者。人之行事也。虞

氏曰。吉則象得。凶則象失。悔則象憂。吝則象虞。虞安也。蓋

人之行事。得則獲吉。失則獲凶。憂則能悔。安則致吝。是

吉凶者。人事得失之象。悔吝者。人事憂虞之象也。吉凶

相對而悔吝居中。悔自凶而趨吉。吝自吉而趨凶。猶人

事得失相對。而憂虞居中。憂自失而趨得。虞自得而趨

失。卽孟子所謂生於憂患而死於安樂之意。

變化者。進退之象也。剛柔者。晝夜之象也。六爻之動。三極

之道也。

變化迭更易也。卽人之進退互用也。陽剛陰柔易也。卽人之晝動夜靜也。柔變化剛。剛變化柔。猶人進而晝出。卽退而夜入。退而夜入。卽進而晝出。進而晝則陽。退而夜則陰也。吉凶悔吝不易也。變化剛柔變易也。人事得失憂虞進退晝夜。无非易理。聖人作易以前。民用理皆在人身。示學易者。當反求諸身也。六爻之動。動卽變也。而天道陰陽地道柔剛人道仁義三極之道皆備焉。先儒以初二爲地。三四爲人。五上爲天。特假爻位以示人。其實一爻之動。无不有天地人之道總言六爻者。言其動无非此理。切不可泥。

是故君子所居而安者。易之序也。所樂而玩者。爻之辭也。

居。謂存諸心安。謂默而成之。不言而信也。易之序。卽剛柔變化盈虛消息之序。而晝夜進退用舍行藏因之大行。不加窮居不損也。樂。謂洽諸心。玩。則引而伸之。觸類而長之也。爻之辭。如中孚。鳴鶴在陰。辭也。玩之於言行。樞機節。不出戶庭。辭也。玩之於君臣慎密。如本義所稱橫渠。謂每讀每有益。是也。

是故君子居則觀其象而玩其辭。動則觀其變而玩其占。是以自天祐之吉无不利。

上節居字以心言。此節居字以身言。謂平安无事。觀六十四卦三百八十四爻之象。而玩繹其辭。如孔子韋編。

三。絕。庶。无。大。過。動。而。有。事。則。筮。著。觀。一。爻。或。二。三。四。五。
六。爻。之。變。而。玩。味。其。占。如。吉。凶。悔。吝。若。孔。子。筮。得。白。賁。知。其。
无。文。學。易。之。事。也。其。見。春。秋。傳。蔡。墨。曰。在。乾。之。姤。曰。潛。
龍。勿。用。知。莊。子。曰。在。師。之。臨。曰。師。出。以。律。否。臧。凶。言。在。
卽。玩。辭。也。陳。敬。仲。初。生。陳。侯。筮。之。遇。觀。之。否。曰。觀。國。之。
光。利。用。賓。於。王。晉。文。定。襄。王。筮。之。遇。大。有。之。睽。曰。公。用。
享。於。天。子。遇。卽。玩。占。也。平。居。學。易。而。易。道。備。於。身。有。事。
用。易。而。易。道。見。諸。事。易。皆。天。理。也。動。靜。无。非。天。理。是。以。
自。天。祐。之。吉。无。不。利。也。

右第二章。此章言易道在人身。聖人作易。卽人身之理。

以示人而君子奉之以治其身也

彖者言乎象者也。爻者言乎變者也。

彖舉全體如彖之全。爻舉六爻如彖之分。彖言象。象亦

有變。如乾六爻皆變成坤。爻言變。變亦有象。如乾五文也。理存諸

象。觀象而爻之理在其中。用存諸變。觀變而彖之用亦

在其中。天下之事有萬。聖人假象變以通之。所謂易知

易從也。

吉凶者言乎其失得也。悔吝者言乎其小疵也。无咎者善

補過也。

上章失得。以人事配卦。爻吉凶。此則專就卦。爻言。明彖

爻云吉凶者失得已判然也由悔而趨吉由吝而趨凶
悔之小疵在前吝之小疵在後无咎善其補過大過過涉滅頂
凶无咎節不節若則嗟能補過則无過此孔子刪書以
若无咎皆在此例中秦誓終也

辭。是故列貴賤者存乎位。齊小大者存乎卦。辨吉凶者存乎

陽貴陰賤。而列貴賤則不存乎陰陽。而存乎卦位。如五
子四為相三為卿二為大夫初為士民上貴无位。陽大陰小。而齊小大則不存
乎陰陽。而存乎卦。如大有以陰爻為主卦亦然稱名雖
大豫以陽爻為主亦小。小取類皆大。則不齊之齊也。象示吉凶。而辨吉凶不存

乎象而存乎辭。如節初不出戶庭節二不出門庭辭也象同而初无咎二凶觀辭自辨。辭也者各指其所之也。辨吉凶者存乎辭則得意忘言之說非也。彖者言乎象者也則得言忘象之說

非也。

憂悔吝者存乎介。震无咎者存乎悔。

悔其既往吝於將來。以此爲憂則存乎分辨善惡警惕

危厲所謂介也。

豫介於石兌介疾有喜孟子介然成路亦此意

震動以出以期

補過无咎則存乎悔心一生痛自刻責所謂動悔有悔

吉行也。

孟子无恥之恥无恥矣同

是故卦有小大辭有險易辭也者各指其所之。

卦之大極乎天地之大而无外卦之小人乎萬物之微。

而。无。間。險。危。險。易。平。易。辭。之。危。者。可。使。平。辭。之。易。者。可。
使。傾。辭。也。者。各。指。乎。人。所。向。往。指。如。指。南。車。之。指。使。人。去。危。就。
安。如。父。母。之。指。使。其。子。也。

右第三章。此章備言易之體例。大指以示人。

易與天地準故能彌綸天地之道。

此一節。包下文三節。準。平。準。也。廣大準。天地變通準。四。
時。奇。耦。準。陰。陽。易。簡。準。健。順。彌。如。彌。封。之。合。而。无。間。太。
和。之。保。合。大。德。之。敦。化。也。綸。如。絲。綸。之。有。條。不。紊。性。命。
之。各。正。小。德。之。川。流。也。道。卽下文窮理盡性至命之道。
惟其準。是以能。

仲以觀於天文。俯以察於地理。是故知幽明之故。原始反終。故知死生之說。精氣爲物。游魂爲變。是故知鬼神之情狀。

此一節言易之窮理也。

本義以下三節俱云聖人雖易聖人天地一也。然是章易字起

專就易言始得。三知字窮理之極。凡日月風雷之屬皆天文。凡

山澤川谷之屬皆地理。卦象準之天文。地理不外陰陽。仰觀俯察。故知自陽趨陰之謂幽。自陰趨陽之謂明。其盈虛消息之故。易无不盡也。乾知大始。坤代有終。原其始則繼善成性。反其終則全受全歸。始之終之。畫卦已具。終始无端。死生无盡。生生之謂易。故死生之說。易无

不全也。陰精陽氣聚而爲物。凡名物事物皆然。陰魄降陽魂游

散而爲變。凡事變物變皆然。易之有卦。陰陽消息。卽鬼神之對。

代卦之有變。陰陽交互。卽鬼神之流行。其情狀易无不

見也。蓋知天地必知幽明。知幽明必知死生。知死生必

知鬼神。天文地理乾坤括之矣。

與天地相似。故不違。知周乎萬物而道濟天下。故不過。旁
行而不流。樂天知命。故不憂。安土敦乎仁。故能愛。

此一節言易之盡性也。似如以似以續之似。謂與天地

相繼續。故與天地之理不違背。舊說似猶準復。蓋天地之性人

爲貴。自繼善成性。人莫不有是性。惟仁者見之。謂之仁。

知者見之謂之知。而性偏。惟易括其全也。有周萬物之知。而實能以道濟天下。則信以行其仁。此貞下起元。卽探蹟索隱。鉤深致遠。而非怪僻。故知不過有旁行之仁。而禮以節之。義以審之。知以明之。此自元而亨而利。而貞。卽以健行以順行。以動行以和行。而非兼愛。故仁不流。樂天知命。知之精也。樂義理之天。知氣數之命。以義主而氣數不惑。故俯仰不憂。安土敦仁。仁之熟也。隨遇而安。土加厚以敦仁。性外物不移天自擴。故措施能愛。知仁合德。易皆備之。

範圍天地之化而不過。曲成萬物而不遺。通乎晝夜之道。

而知。故神无方而易无體。

此一節言易之至命也。天地之化往過來續而无息。溥博廣大而无外。而易範圍之而不過。天地一太極也。萬物之品不同。類萬物之生不同。時而易曲成之而不遺。曲一端也。曲禮之曲。物物一太極也。言易大无外小无内。若此似難知也。然通乎晝夜之道而知晝夜陰陽之對代也。晝而夜。夜而晝。陰陽之流行也。通乎此則凡幽明死生鬼神不外是。故語神則无方向不能測。陰陽之所在。語易則无定體。又不知陰陽之變之所適也。

右第四章

此章言易道大无外小无内。聖人作之以準

天道地道。君子所宜學也。

一陰一陽之謂道。

承上章申言天地之道。不外乎陰陽。

幽明死生晝夜鬼神皆陰陽所自出。

先言一陰者。陽交陰而一陰生。後言一陽者。陰交陽而

一陽生。生生不已。故謂之道。未有天地。道在陰陽之先。

既有天地。道在陰陽之內。

先儒云。陰陽非道。陰陽一陰。

一陽相對道之體。一陰一陽遞嬗道之用。蓋合形上形

下者言之。萬物負陰抱陽。无非道也。

繼之者善也。成之者性也。

萬物之生。皆品陰陽。然人者。天地之精。萬物之靈。陰陽

之會。五行之秀也。本乎天之命以生。繼而不絕者。此善也。成而不虧者。此性也。天之命本善。故繼之者亦善。詩性之理本全。故成之者亦全。詩曰。秉彜。書曰。恆性。孟子性善一也。繼善成性。卽天命之謂性。中庸自天言。故曰。命。易自人言。故曰。繼。繼在天人授受之間。成則完全皆善也。

仁者見之謂之仁。知者見之謂之知。百姓日用而不知。故君子之道鮮矣。

承上文言人性雖善。而氣稟或偏。稟於陰之多者爲仁。見乎天地之涵育萬物也。遂謂吾性中有仁。稟於陽之多者爲知。見乎天地之昭融萬物也。遂謂吾性中有知。

至。百。姓。日。在。陰。陽。之。中。而。不。知。至。道。存。焉。故。知。仁。合。德。
成。乎。性。善。之。君。子。鮮。見。於。世。也。

顯。諸。仁。藏。諸。用。鼓。萬。物。而。不。與。聖。人。同。憂。盛。德。大。業。至。矣。
哉。富。有。之。謂。大。業。日。新。之。謂。盛。德。

此言天地之陰陽。生生萬物也。顯者陽之明。本諸陰。斂
之。仁。以。爲。顯。仁。如。果。實。之。仁。秋。冬。斂。藏。春。夏。發。生。也。藏者陰之斂。卽爲陽
明。之。用。以。爲。藏。用。卽顯也。藏。卽。仁。也。此陰陽互根。晝夜
迭。運。元。亨。利。貞。貞。下。起。元。也。凡此陰陽倚伏。開闔鼓動。
萬。物。之。生。機。天。地。自。无。心。而。成。化。故。不。與。聖。人。同。憂。易。作。者。其。有。憂。患。乎。憂。世。憂。民。與。德。藏。於。中。者。仁。也。業。顯。於。樂。天。知。命。故。不。憂。並。行。不。悖。

外者用也。德由內以發外。故曰盛。即顯業由外而入內。諸仁故曰大。即藏至矣哉者。言顯者藏者。流行不息。充塞無間也。富有日新。推廣言之。富有謂萬物皆正其性命。即藏用之。包括無遺。日新謂萬物迭運其生機。即顯仁之。以新月盛。先言大業。後言盛德。反諸其本。以起下文也。生生之謂易。成象之謂乾。效法之謂坤。極數知來之謂占。通變之謂事。

此言易道陰陽生生不已也。陽生陰。陰生陽。故日月爲易。易無體而有象。成象之謂乾。即在天成象。凡日往月來。雲行雨施。陰陽之成象於天者。於乾見之。效法之謂

坤。效如效。卽在地成形。凡山川原隰。邱陵林麓。陰陽之
效力於天。而法著於地者。於坤見之數者。陰陽之數。極
其數則老少遞變。老陽九變少陰八。老陰六變少陽七。占事知來。謂筮著
也。通變通陰陽之變事。不一事。於爻之變通象之。此則
易之生生見於人事者也。

陰陽不測之謂神

此統天地與易言。張子曰。兩在故不測。神无方也不測。
亦无體。易无體也不測。亦无方。故法象有乾坤之可見。
而神則不可測也。

右第五章上章言易與天地準。此章天地與易準也。

夫易廣矣大矣以言乎遠則不禦以言乎邇則靜而止以言乎天地之間則備矣。

此承上章陰陽不測而言蓋易以道陰陽也廣謂東西南北大謂宇宙上下遠謂遠取諸物近謂近取諸身天地之間謂上蟠下際中間虛空之境言易道之廣而无限大而无虧言乎遠則萬物同此陰陽之生而氣化无不到言乎邇則一身无非陽陰之會靜則各安其位正則各順其常言乎上下虛空之境无非陰陽所充塞則備矣中庸鳶飛魚躍上下昭著亦此意。

夫乾其靜也專其動也直是以大生焉夫坤其靜也翕其

動也。闢是以廣生焉。

易有乾坤象則奇耦也。德則健順也。易簡也。氣則陰陽也。卽天地也。夫婦也。乾之德一而不二。故其靜也專一。而无他。惟其靜專。是以動直。而主施。坤之德一而不散。故其靜也翕合。而不洩。惟其靜翕。是以動闢。而主受。靜專。靜翕。陰陽未交。各安其位。動直。動闢。陰陽相交。各順其性也。乾大生。坤廣生。同一生生不已也。中庸其爲物不貳。則其生物不測。

廣大配天地。變通配四時。陰陽之義配日月。易簡之善配至德。

廣大配天地。不易之易也。變通配四時。變易之易也。陰陽之義配日月。交易之易也。易簡之善配至德者。天地健順純精之德。而易中易簡之善足以配之。申明首章之意。

右第六章。明易道與天地同而歸於易簡也。

子曰。易其至矣乎。夫易聖人所以崇德而廣業也。知崇禮卑。崇效天。卑法地。天地設位而易行乎其中矣。成性存存道義之門。

承上章至德而言。聖人備易簡之德也。易其至易至簡矣乎。所謂誠也。忠信以進德立誠聖人以易之易簡崇

其德則高明配天矣。廣其業則博厚配地矣。其知本生知也。其禮本安行也。夫人之生也。知本崇氣。拘物蔽則卑矣。禮本卑。敖惰怠慢則高矣。惟聖人知極其崇則崇效天。禮極其卑則卑法地。聖人之心正則天地之心亦正。聖人之氣順則天地之氣亦順。是天地設位於聖人之心而易道行乎聖人矣。成性卽繼善成性存而又存卽存養省察以存其善於心也。以此心應萬物之用是道所從出之門。以此心納萬物之理是義所從入之門。聖人崇德廣業无異天地富有日新也。

右第七章

此言聖人體易之德以起下章君子學易之

事

聖人有以見天下之賾而擬諸其形容象其物宜是故謂之象。

聖人之知峻極于天故能周知天下萬物之繁賾擬如手持之而未定形容卽物宜之見乎外者。物宜猶象以目得之而自見物宜卽形容之存於中者擬形容象物宜合外內而定之蓋易有實理无實事假象以明之是故謂之象凡象與爻无一非象不獨說卦傳所載學易者於象而觀其理則知至至之可與幾也。

聖人有以見天下之動而觀其會通以行其典禮繫辭焉

以斷其吉凶是故謂之爻

聖人之禮卑法於地故能洞觀天下之舉動會通卽典禮之存於心者典禮卽會通之見於事者觀其會聚之理可通於今古定其典常之禮可行於上下而繫辭焉吉凶判焉所謂循之則治失之則亂蓋易有定理而无定用著爲三百八十四爻以別之是故謂之爻學易者於爻而循其理則知終終之可與存義也此二節以象象在爻中吉凶在象中但象理深微吉凶顯斷爻對舉實則理无二致知行合一也象亦有象象爻以該象

言天下之至賾而不可惡也言天下之至動而不可亂也

賾則人生惡不可惡言言於身心動則人易亂不可

亂言皆當於事理。君子所當居而安樂而玩觀其象玩其辭。觀其變。玩其占。以起下文。

擬之而後言。議之而後動。擬議以成其變化。

李安溪曰。至蹟者。聖人所擬而象之。故君子亦必擬之。而後理可言也。至動者。聖人所審而斷之。故君子亦必議之。而後事可動也。聖人知崇禮卑而道義出。則與天地變化同矣。君子有擬議之功。則亦有以成其變化。而進乎聖人德業之事也。愚謂成變化者。於動則遇事占之。擬議之以成其變化之用。於靜則象與辭旁通之。擬議之以廣其變化之理。如下文所舉七爻觸類引伸是。

也。此示人學易之方也。

鳴鶴在陰。其子和之。我有好爵。吾與爾靡之。子曰。君子居其室。出其言善。則千里之外應之。況其邇者乎。居其室。出其言不善。則千里之外違之。況其邇者乎。言出乎身。加乎民。行發乎邇。見乎遠。言行君子之樞機。樞機之發。榮辱之主也。言行君子所以動天地也。可不慎乎。

鶴鳴子和者。象也。載其辭者。爻也。聖人於象爻。通其理於言行之善不善。明其效於遠邇之應違。而榮辱隨之。所謂擬議以成其變化也。此下倣按中孚虛心也。九二實德也。以是發爲言行。修天爵而人爵從之。則應而榮反。

是以飾僞發爲言行棄天爵而人爵亦亡則違而辱天地之道福善禍淫不可不慎

同人先號咷而後笑子曰君子之道或出或處或默或語二人同心其利斷金同心之言其臭如蘭

同人九五先號咷者非物間之自間之也後笑者非人合之自合之也君子亦揆已之信孚於同人者出處語默道不同而心无不同利斷金喻二人心德堅而決有以判君子小人之羣臭如蘭喻二人之德言潔而馨不混於君子小人之黨苟心如石轉臭味必差池矣

初六藉用白茅无咎子曰苟措諸地而可矣藉之用茅何

咎之有慎之至也。夫茅之爲物薄而用可重也。慎斯術也。以往其无所失矣。

任大事者必基以小心。故霍子孟步履不踰尺寸。可以託孤。諸葛武侯小心敬慎。可以託大事。論語臨事而懼。好謀而成。可以行三軍。藉白茅而措諸地。故茅雖薄。可勝大過棟隆之任。兩言慎宜着意。

勞謙君子有終吉。子曰勞而不伐。有功而不德。厚之至也。語以其功下人者也。德言盛。禮言恭。謙也者。致恭以存其位者也。

謙九三。勞而不伐。世貴之。不以爲貴。有功而不德。世高

之。不。以。爲。高。非。厚。德。之。至。者。不。能。也。德。盛。禮。恭。由。中。達。外。致。恭。存。位。其。謙。恭。非。爲。存。位。而。位。自。存。也。

亢龍有悔。子曰。貴而无位。高而无民。賢人在下位而无輔。是以動而有悔也。

說見文言傳。此與勞謙。君子正相反。亢則有悔。謙則有終。自貴而无位。足以酬之。則无勞而亦伐矣。自高而无民。足以視之。則无功而市德矣。賢人在下位而无輔。必其刻薄成性。剛狠傲慢。欲致恭以存其位。難矣。豈僅動而有悔乎。

不出戶庭无咎。子曰。亂之所生也。則言語以爲階。君不密

則失臣臣不密則失身機事不密則害成是以君子慎密而不出也。

節初九戶庭不出身之節也言語不出口之節也防患於未然慎微於所忽非不言也時然後言耳故九二不出門庭凶

子曰作易者其知盜乎易曰負且乘致寇至負也者小人之事也乘也者君子之器也小人而乘君子之器盜思奪之矣上慢下暴盜思伐之矣慢藏誨盜冶容誨淫易曰負且乘致寇至盜之招也。

解六三用小人者亂之源解小人者治之本罪不在小

人乘君子之器。在以君子之器與小人乘也。爛羊頭關。內侯恨不少靳。可致十萬。卒召黃巾之亂。在上既慢其名。器小人愈肆其貪殘。奪小人之乘者。盜得以藉口。伐小人之暴者。盜得以甘心。憂及國家。非僅小人之身也。是天下本无盜。而上慢者。招之如盜。非能盜其藏。慢者誨之盜也。人非能淫其容。治者誨之淫也。天下无誨盜之人。主而所爲皆足以致之。故曰招也已。上七爻申明擬議以成其變化之實。明用易之道。其變化皆切於人倫日用。非機巧變詐之謂。則變易之易皆歸於不易之易也。中孚鳴鶴誠於己也。同人斷金誠於人也。大過藉

茅敬其事也。凡修己接人任事三爻已備。而又申之以謙。則有終。亢則有悔。慎密以持事。幾之成。敬畏以防名器之慢。由己及人家國天下之理備矣。

右第八章

所謂君子居則觀其象而玩其辭也。

天一。地二。天三。地四。天五。地六。天七。地八。天九。地十。

此龍馬負圖之數。伏羲氏因之以畫卦。孔子分奇耦以配天地。明畫卦之本。而二氣五行俱流行其中也。班固五行志。天一生水。地六成之地。二生火。天七成之。天三生木。地八成之地。四生金。天九成之。天五生土。地十成之。天數奇。陽也。地數耦。陰也。自北而東。陰包陽。自南而

西陽包陰流行則五行相生對待則五行相尅凡天地間理氣象數皆從此出本義以五爲衍母以十爲衍子次一二三四爲四象之位次六七八九爲四象之數老陽六少陽七老陰九少陰八二老位於西北老陽老陰一少位於東南少陽少陰其數則各以類交錯於外也按本義姑就大衍揲著言實不止此也

天數五地數五五位相得而各有合天數二十有五地數三十凡天地之數五十有五此所以成變化而行鬼神也天數五者五奇數也地數五者五耦數也五位相得而有以四方相生言者有以四方相待言者爲其相生而相

得所以相待而相得也。相生如一。六水居北而生木於東。三八木居東而生火於南。二七火而生土於中。五十土而生金於西。四九金而生水於北。相待則水火相尅。南北金木相尅。東然相尅。未始不相生。是謂五位相得也。而各有合者。謂奇耦同居。陰陽相合也。如一六合居北。三八合居東。二七合居南。四九合居西。五十合居中。也。天數二十有五。五奇之積五。五相乘也。地數三十。五耦之積五。六相乘也。綜之爲五十有五。奇五耦之積也。成變化者。如自北而東。猶自冬而春。陽內聚而陰外散。自南而西。猶自夏而秋。陽外散而陰內聚。陰陽變化運。

行於一六三八二七四九五十位之中陰陽之消息盈虛卽鬼神之屈伸往來之行乎其中也此不測之機藏於大順之內自河圖出而天地之氣化精蘊見焉

大衍之數五十其用四十有九分以爲二以象兩掛一以象三揲之以四以象四時歸奇於扚以象閏五歲再閏故再扚而後掛

王輔嗣曰演天地之數者五十也

天地之數五十有五本義謂五爲衍母故

用五大衍舉天地之數而大演之揲著是也其用四十有九則其一不用也。不用而用以之通斯易之太極也。孔疏餘四十有九合同未分今以四十九分而爲二以

象兩儀也。

天地

掛一以象三者。就兩儀之間。於天數之中。

分掛其一以象三才也。

天地人

揲之以四以象四時者。分

揲其著皆以四。四為數。以象四時也。

四揲之餘。左三則右必一。左一則右

必三。左二則右必三。左四則右必四。三變而成一爻。九

四為老陽。餘策并歸奇則十三。六四為老陰。餘策并歸

奇則二十五。七四為少陽。餘策并歸奇則二十一。歸奇

入四為少陰。餘策并歸奇則十七。即所以象閏也。

於扚以象閏者。虞仲翔曰。奇所掛一策。扚所揲之餘。見上

取奇以歸扚。以象閏月定四時也。按周天三百六十五

度。四分度之一。日行三百六十五日四分日之一。而與

天會。一年三百六十日。餘五日四分日之一。是為氣盈。

月與日會。二十九日有奇。合朔。故一年止三百五十四

日是爲朔虛。合氣盈朔虛。一年常差十一日有奇。故三年一閏。五年再閏。十九年七閏。而成一章。是合氣盈朔虛而置閏。猶合所掛奇之一策。歸於所揲之餘。以象閏也。五歲再閏。故再扞而後掛者。張橫渠曰。再扞再掛。每成一爻而後掛。按三變而成一爻。已歸奇及扞已象閏矣。惟五歲有再閏。故於再扞而後掛一以象之。再扞謂四揲復掛一。復合再扞之餘。以象再閏也。郭忠孝曰。歸奇象閏也。五歲再閏。非以再扞象再閏。蓋閏之後有再歲。故歸奇之後亦有再扞。按郭氏以歸奇爲象閏。則於扞二字爲衍文。且謂非以再扞象再閏。是顯與經文相背。孔正義及本義俱以奇爲奇零之奇。是奇卽扞。以扞爲象閏。則歸奇二字爲衍文。二說各得其一。當以經文爲據。

乾之策二百一十有六。坤之策百四十有四。凡三百有六十。當期之日。二篇之策萬有一千五百二十。當萬物之數也。

策。著策也。老陽數九。四九三十六。六爻綜之。則二百一十有六。老陰數六。四六二十四。六爻綜之。則百四十有四。綜老陽老陰著策。則三百有六十。卽綜少陽少陰之策亦然。少陽一百六十有六。少陰一百九十有三。但老變而少不變。大衍卽變數以示人也。二篇之策。則三百八十四爻。陽爻一百九十二。每一爻三十六。得六千九百一十二策。陰爻一百九十二。每一爻二十四。得四千六百零八策。合之卽

萬有一千五百二十也。三百六十當期者。不數氣盈朔。

虛

邵子經世數及西
洋歷皆本諸此。

萬有一千五百二十當萬物之數。

者特舉大凡耳。推廣言之。則一爻變六十四卦。六十四卦變四千零九十六卦。二萬四千五百六十四爻。分陽爻一萬二千二百八十二。每爻三十六策。成乘則四十四萬二千一百五十二策。陰爻一萬二千二百八十二爻。每爻二十四策。成乘則二十九萬四千七百六十八策。合之得七十三萬六千九百二十策。

是故四營而成易。十有八變而成卦。八卦而小成。引而伸之。觸類而長之。天下之能事畢矣。顯道神德行。是故可與

酬酢可與祐神矣。子曰：知變化之道者，其知神之所爲乎？
營求也。謂分四次營求，分而爲二，一也；掛一二也；揲四
三也；歸奇四也。經四次營求而變易之機始著，不言爻
者，未成爻也。經三揲而後成爻，卦有六爻，故十有八變
而成卦。小成者，易之初止。乾兌離震巽坎艮坤八卦也。
引八卦而伸之，則八八六十四卦。更觸六十四卦之類，
則四千零九十六卦。而天地理氣象數无不備。故曰：畢
矣。顯道神德行者，著策之用。天地陰陽吉凶消長之道，
以顯顯則不晦。生人動靜語默進退出入之德行，以神
神則不滯矣。可與酬酢如賓主之相勸，各盡其禮，交致。

其情言以著應事接物。有如此之美也。可與祐神者。卽幽贊於神明而助神以吉凶告人也。知變化之道者。其知神之所爲。則神而明之。存乎其人。俟學易揲著者之有得也。故以子曰。別之成變化而行鬼神者。著之德也。知變化而知神之所爲。人之德也。

右第九章。明著之用原於天地。此君子動則觀其變而玩其占也。

易有聖人之道四焉。以言者尙其辭。以動者尙其變。以制器者尙其象。以卜筮者尙其占。

聖人之道大中至正。人倫日用之常道也。有四焉。辭皆

切近理則通微以言求理者尚之

如上繫中孚七卦變下繫咸十一卦

動不居周流六虛動而應事者尚之

如上章撰著求卦惟變所適法

象昭然類情通德制器者尚之

如網罟取離占判吉凶書契取夬

明示得失卜筮者尚之

於漢想孔子時有故并筮言此

君子居則觀其象玩其辭動則觀其變玩其古也

是以君子將有為也將有行也問焉而以言其受命也如

嚮无有遠近幽深遂知來物非天下之至精其孰能與於

此

此即觀變玩占也有為於近有行於遠問著以言其受

人命如人所嚮往無論遠近之事幽深之理遂知後來

之事物。天下至精。謂易簡之德。存於中。至精而不雜者。易也。人非至精。如易孰能知之。

參伍以變。錯綜其數。通其變。遂成天地之文。極其數。遂定天下之象。非天下之至變。其孰能與於此。

此卽觀象玩辭也。

文僅云定天下之象。而辭卽在其中。

參伍者。卽參天兩

地而倚數。以天一統地二爲三。一統四爲五。而天地陰陽四時五行備而變生焉。錯。謂以參伍交相錯綜。謂以參伍之數。綜其成本義。謂錯者交而互之一左一右之。謂綜者總而挈之一低一昂之謂是也。

今之算盤珠亦五五一十五。

河圖之數。无非參伍。

中五十爲十五。東南八七爲十五。西北九六爲十五。生數亦爲十五。

卽洛書亦然。縱橫直豎參伍。通參伍之變。卽天地陰陽五行之

變。青赤白黑黃交錯而成文。而老陽少陰老陰少陽變

化皆天地自然之文也。老陽老陰合十五。少陽少陰合十五。極參伍之數。

卽天地陰陽五行之數。乾兌離震巽坎艮坤之象定而

六十四卦近取身遠取物。其象无不定也。此卽象原其

端於參伍。是天下之至變也。非通變者孰能知之。至精

以存主言體也。至變以發動言用也。體用无二致。故下

節統之曰神。於尙變尙占曰至精。是由用以歸體於尙

象。尙辭曰至變。是由體以及用。

易无思也。无爲也。寂然不動。感而遂通天下之故。非天下

之至神其孰能與於此。

此統辭變象占而總贊之。合至精至變。謂之至神也。无思。无爲。卽无聲。无臭。寂然不動之中。卽感而遂通天下之故。故卽天下之思爲也。曰遂知。曰遂成。曰遂定。統之曰遂通。卽至精至變。統之以至神也。神无方。神不測。易神也。非至神不足知易其微矣哉。

夫易聖人所以極深而研幾也。

深則幽隱而不見。寂然不動時也。幾則朕兆之已露。感而遂通時也。惟至精也。故能極深則成。性存存也。惟至變也。故能研幾則成。天下之亶亶也。

周易卷五
惟深也。故能通天下之志。惟幾也。故能成天下之務。惟神也。故不疾而速。不行而至。

惟深也。至精之德存焉。故能通天下之志。志則无形也。惟幾也。至變之業存焉。故能成天下之務。務則有形也。能通能成。神之所爲也。神則不疾自速。不行自至。極言通成之妙如此。

子曰。易有聖人之道四焉者。此之謂也。

辭變象占四也。合爲二則至精。至變合爲一則至神。經曰有聖人之道四焉者。舉其顯也。

右第十章。極言易道之神也。

子曰夫易何爲者也。夫易開物成務。冒天下之道。如斯而已者。也是故聖人以通天下之志。以定天下之業。以斷天下之疑。

此統辭變象占言之。設爲問答也。物。人也。務。事也。人之知識未開。吉凶莫判。聖人作易。開示之。使之趨吉避凶。以成其事。舉天下萬事萬物。冒而括於辭變象占之中。惟其開物。故能通天下之志。此通志。卽上章通志。惟其成務。故能定天下之業。此定業。卽上章成務。惟其冒天下之道。故能斷天下之疑。此斷疑。卽上章神不疾而速。不行而至。下文著卦皆斷疑也。

是故著之德。圓而神。卦之德。方以知。六爻之義。易以貢。聖

人以此洗心退藏於密。吉凶與民同患。神以知來。知以藏往。其孰能與於此哉。古之聰明睿知神武而不殺者乎。

著策七七四十九。以六圍一。則圓。圓則通。通則神。卦數

八八六十四。直八橫八。則方。方則定。定則知。神故能通

天下之志。知故能定天下之業。六爻之義。老陽老陰變

而成卦。

六十四卦皆然。

變易无常。隨其所適。以貢獻於人。故能

斷天下之疑。聖人以神知易貢之德。洗淨其心。寂然不

動。則退藏於宥。密感而遂通。則吉凶與民同患。廓然大

公。萬物皆備。物來順應。萬物一體。神以知來。即著之德。

圓而神也。知以藏往。即卦之德。方以知也。聖人一易也。

其孰能與於此哉。必古之聰無不聞。明無不見。睿無不
通。知無不括。神武不殺。則不賞而勸。不怒而威者乎。
是以明於天之道。而察於民之故。是興神物。以前民用。聖
人以此齊戒。以神明其德夫。

明。天地陰陽盈虛消長之道。察。生民得失吉凶悔吝之
故。是興神物。卽著卦也。前民用。謂民未用而已。開其先。
所謂開物也。本義湛然純一之謂齊。肅然惕警之謂戒。
謂於卜筮之時。其心如此。故心之德。神明不測焉。中庸
所謂至誠如神也。上節聖人。以此洗心。退藏於密。作易
之心也。此節聖人。以此齊戒。神明其德。用易之心也。明

觀象玩辭觀變玩占之君子當如是也

是故闔戶謂之坤。闢戶謂之乾。一闔一闢謂之變。往來不窮。謂之通。見乃謂之象。形乃謂之器。制而用之謂之法。利用出入。民咸用之。謂之神。

此舉顯而易見者示人明觸處无非易也。闔戶謂之坤。陰也。闢戶謂之乾。陽也。一闔一闢。卽一陰一陽。迭爲闔闢。故謂之變。往來不窮。古今同此陰陽闔闢。故謂之通。是上文見乃謂之象。卽陰陽之在天成象也。形乃謂之器。卽陰陽之在地成形也。象者器之精。器者象之著。聖人本陰陽之象。器制爲著卦以用之。則謂之法。利用則

无。不。達。咸。用。則。无。不。周。百。姓。日。用。而。不。知。其。利。而。出。入。
无。不。利。故。謂。之。神。神。者。陰。陽。不。測。之。謂。即上文明。天。地。
人。總。不。外。陰。陽。闔。闢。也。

是故易有太極。是生兩儀。兩儀生四象。四象生八卦。八卦
定吉凶。吉凶生大業。

洪範言皇極。易不言太極。孔子表而出之。曰易有太極。
理在氣先也。周子曰太極者。大本无極。極者。大中至正之理。物无不包。
謂之太。其大无外也。有理而氣生。兩儀。陰陽也。四象。老
陰。老陽。少陰。少陽也。八卦。乾。兌。離。震。巽。坎。艮。坤也。一生二。二生三。三生四。四生八。生俱一陰一陽。八卦定吉凶。則重爲六十四卦。使人趨

吉避凶。以成天下之務。斷天下之疑。而大業生焉。

是故法象莫大乎天地。變通莫大乎四時。懸象著明莫大乎日月。崇高莫大乎富貴。備物致用。立成器以爲天下利。莫大乎聖人。探賾索隱。鈎深致遠。以定天下之吉凶。成天下之亹亹者。莫大乎蓍龜。

天地四時。日月。天之道也。崇高以下。民之故也。陰陽。法象萬物有之。天地爲大。申明闔戶謂陰陽變通萬物有之。四時爲大。一闔謂變。陰陽。懸象萬物有之。日月爲大。申明見乃謂象。崇高富貴。則聖人以天德履天位也。立成器人亦能之。而利天下。以聖人爲大。申明形乃謂之器。賾謂

繁曠探而盡之。隱謂幽隱。索而得之。深則不測。鈎而出之。遠則難至。推而致之。猶无有遠近幽深。遂知來物。天下之吉凶以定。天下勉勉行之而務以成。莫大乎蓍龜。蓋蓍龜介紹以傳命於人者也。申言利用民咸用。

是故天生神物。聖人則之。天地變化。聖人效之。天垂象。見吉凶。聖人象之。河出圖。洛出書。聖人則之。

神物蓍龜也。

天子有道。蓍長丈二。龜尺二寸。

天生之。聖人則之以爲卜筮。變化。天地四時也。聖人效之。爲陰陽老少。天垂象。見

吉凶。日月也。

合璧吉。食則凶。周禮十輝。肺臍臄魄。

聖人象之以立吉凶。占

辭。伏羲作易時。河龍馬負圖。大禹演疇時。洛神龜獻書。

文王立卦箕子陳疇皆聖人則之也圖書雖分相爲經緯則天道人道之交濟相爲表裏則天道人道之貫通是皆明於天之道而察於民之故者也

易有四象所以示也繫辭焉所以告也定之以吉凶所以斷也

見於著之四象則陰陽老少也見於卦之四象則辭變象占也皆所以示人也繫辭以告聖人之情見乎辭也定以吉凶所以決疑吉凶與民同患也

易曰自天祐之吉无不利子曰祐者助也天之所助者順也人之所助者信也履信思乎順又以尚賢也是以自天

祐之吉无不利也

引大有上九爻辭以結上文。非錯簡。蓋履信心之體也。思順心之用也。凡天之道。民之故。著圓而神。卦方以知。爻易以貢。一闔一闢。往來不窮。以至通天下之志。定天下之業。斷天下之疑。无非信順之理。此君子觀象玩辭。觀變玩占。於易而尊尚之。應上第二章。而下繫易窮則變。變則通。通則久。是以自天祐之。吉无不利。皆此信順也。語簡而意賅。

右第十一章。此言聖人作易之心。用易之道。君子所當法也。

子曰。書不盡言。言不盡意。然則聖人之意。其不可見乎。子曰。聖人立象以盡意。設卦以盡情。僞繫辭焉。以盡其言。變而通之以盡利。鼓之舞之以盡神。

意在書先。書在言先。意見於書。書見於言。然書不能盡言。言不能盡意。凡聖人作書皆然。似聖人作易。意有未盡也。復加子曰者。設爲問答。蓋言有限。意無窮。意固非言所能盡。而聖人立象以盡意。象虛而理實也。惟虛故能包不盡之意。象立而卦設。萬物情僞皆在其中。而意自盡矣。書有限。言無窮。言亦非書所能盡。而聖人繫辭焉。以盡言。言簡而理賅也。惟賅故能傳不盡之言。卦立

而變通生萬物之利。由是而達而言自盡矣。一盡自神。於盡立象設卦。可觸類以引伸。變而通之。可旁通而四達。遇事占之。自足鼓舞於人。鼓有聲。振動而警覺。舞有容。歡欣而樂慕。以通天下之志。以定天下之業。以斷天下之疑。故謂之盡神。象始於奇耦。顯於八卦。括於三百八十四爻。神若不知其然。而然者。乾坤其易之緼耶。乾坤成列而易立乎其中矣。乾坤毀則无以見易。易不可見則乾坤或幾乎息矣。

乾坤奇耦陰陽也。易之精緼皆在於此。所謂意也。乾坤成列而不易之易。與變易之易。交易之易。皆立乎其中。天地設位。易行乎其中。未作易之易也。乾坤成列。易立乎其中。既作易之易也。无不易之易。則

乾坤毀矣而交易變易又何見乎无交易變易則易不可見而不易之乾坤不幾息乎此言易與天地相終始相表裡以起下節

是故形而上者謂之道形而下者謂之器化而裁之謂之變推而行之謂之通舉而措之天下之民謂之事業

道與器皆在乾坤卦神意道也乾坤之理精言之是形而上者則謂之道乾坤之象顯言之是形而下者則謂之器其實一也道與器合氣化流行因而裁之陰陽老少盈虛消長則謂之變因變推移妙於其內因而行之變動不居周流六虛則謂之通因其變通舉而措之天下

之民以通志以決疑以定務謂之事業蓋天人一道也是故夫象聖人有以見天下之賾而擬諸其形容象其物宜是故謂之象聖人有以見天下之動而觀其會通以行其典禮繫辭焉以斷其吉凶是故謂之爻極天下之賾者存乎卦鼓天下之動者存乎辭

天下之賾形下之器也是故謂之象聖人立象以盡意也意盡於象則形下之器形上之道存焉天下之動變通之迹也是故謂之爻聖人繫辭以盡言也言盡於辭則變通之迹變通之理存焉極天下之賾而凡天下之情偽皆存乎卦鼓天下之動而凡天下之變通鼓舞皆

存乎辭言聖人作易切於人若此起下文學易者之事
化而裁之存乎變推而行之存乎通神而明之存乎其人
默而成之不言而信存乎德行

學易者當如是也。化謂化形下之迹而裁形上之理於
心勿泥其象而觀其意存乎人之變也。如閭戶坤闢戶

乾坤闢闢之由是以此理推行於身時止時行不泥於

理皆在於心迹存乎人之通也。總通變之妙神而明之猶莊子所謂

以神遇而不以目視官知止而神欲行則存乎其人也

故曰苟非其人道不虛行是人也德行符易簡雖書不

盡言言不盡意而卽身卽易默而成之不言自信則存

乎。其。人。之。德。行。所。謂。易。簡。而。天。下。之。理。得。矣。天。下。之。理。得。而。成。位。乎。其。中。矣。

右第十二章

此總言聖人作易。君子學易。以終上文之

意。而歸本於德行。則非文人口易。君子身易。而爲聖人

化易矣。

德行卽易簡。

繫辭傳下

八卦成列。象在其中矣。因而重之。爻在其中矣。

承上繫辭是故謂之象。是故謂之爻。申言之。八卦謂乾坤震巽坎離艮兌。成列而天地雷風水火山澤之象在其中。因而重爲六十四卦。而三百八十四爻在其中。八卦有象。亦有爻。六十四卦有爻。亦有象。互文也。

剛柔相推。變在其中矣。繫辭焉而命之。動在其中矣。

剛柔相推而生變化。此則雖未生而變已在中。變易寓於不易也。鼓天下之動者存乎辭。此則辭以命之。命如命之。而天道民故之動。皆在卦爻之動之中。交易由於變。

易也

吉凶悔吝者。生乎動者也。

兼卦爻人事之動言。

剛柔者立本者也。變通者趣時者也。

剛柔以立本。不易之易。變通以趣時。交易變易之易。无本則變通失其正。非時則剛柔倚於偏。立本經也。變通權也。此皆天道民故自然具於易者也。

吉凶者貞勝者也。天地之道貞觀者也。日月之道貞明者也。天下之動貞乎一者也。

張子曰。貞正也。

先儒訓貞為常非。

吉凶无常。善惡无定。世有為。

善而因爲惡而吉者然必以正爲勝蓋惠迪終吉從逆終凶也天地之道陰陽運行不无愆伏然必以陰陽之正爲觀示日月之道晝夜代明不无祲食然必以日月之正爲著明天下之道萬有不齊而歸於一者正而已矣。

夫乾確然示人易矣。夫坤隤然示人簡矣。爻也者效此者也。象也者像此者也。

示人易。示人簡。貞乎一而已。確然而不移。隤然而不逆。易簡之至也。合之則貞。一。分之則易。簡。爻以效此象。以像此。无非易簡之理。卽无非貞一之理也。

爻象動乎內。吉凶見乎外。功業見乎變。聖人之情見乎辭。
爻象動而變。卽具。故曰內吉凶見而辭已具。故曰外變
无窮而辭有定也。惟无窮而趣時功業皆從此出。故曰
功業見乎變。惟有定而聖人吉凶與民同患之情皆見
乎辭。象非不足以見聖人之情。而辭愈深遠矣。聖人之
情卽下文好生之德也。

天地之大德曰生。聖人之太寶曰位。何以守位曰仁。何以
聚人曰財。理財正辭。禁民爲非曰義。

結上文起下章。天地只一好生之心。乾大生。坤廣生。此
大德也。聖人體天地之大德。居天子之大位。盡天下遂。

其○生○曰○仁○有○義○正○而○已○仁○以○守○位○則○人○歸○未○有○仁○而○遺○
其○親○者○義○以○正○民○則○人○服○未○有○義○而○後○其○君○者○民○非○六○
府○不○生○故○聚○人○曰○財○民○非○八○政○不○治○故○理○財○以○養○正○辭○
以○教○禁○非○以○刑○皆○曰○義○仁或作人雖有后非眾周與此
守邦之說道理虧蔽不必從此
卽○聖○人○居○大○寶○春○溫○秋○肅○與○天○地○同○德○卽○聖○人○作○易○之○
情○見○乎○辭○也○理○財○正○辭○禁○民○非○卽○下○章○取○象○制○度○是○
右○第○一○章○此○章○總○論○卦○爻○以○明○聖○人○好○生○之○德○見○於○易○
也○

古○者○包○犧○氏○之○王○天○下○也○仰○則○觀○象○於○天○俯○則○觀○法○於○地○
觀○鳥○獸○之○文○與○地○之○宜○近○取○諸○身○遠○取○諸○物○於○是○始○作○八○

卦以通神明之德以類萬物之情。

包犧氏以木德王。教民火化烹飪。故稱包犧。觀象於天。觀法於地。陰陽也。以奇耦象之。鳥獸之文。本天者親上。天產則動物也。地之宜。本地者親下。地產則植物也。羽毛各別。故曰文。土性各殊。故曰宜。周禮辨五土之宜。身者。備八索以成人。物者。品二氣以成質。觀象觀法。近取遠取。默會天地人物之理。氣象數而作八卦。世謂包犧因河圖作八卦。觀此知作八卦時。河圖之神明之德。形上之道也。德本幽深。八卦出。適逢其會也。神明之德。形上之道也。德本幽深。八卦通之。萬物之情。形下之器也。情自繁賾。八卦類之。類別也。是八卦者。剛柔陰陽所以立本而制器。觀象皆仁義變。

通以趣時者也。見下文。

作結繩而為網罟。以佃以漁。蓋取諸離。三三

以下取卦名卦象各有理。卦名則魚網之設。鴻則離之。

及雉離于羅是也。卦象則巽為繩直。二三四離為目。如

罟之為雉。兌為澤。三四五互兌。巽為魚。離中虛能受魚。鳥麗

焉。以網取魚。以罟取獸。

包犧氏沒。神農氏作。斲木為耜。揉木為耒。耨之利。以教

天下。蓋取諸益。三三

神農氏以火德王。繼包犧以木生火。火生土。知土性。教

民播種。故稱神農。震巽為木。艮為手。三四五互艮。乾為金。上五

初互坤為土為牛。二三四互坤。下有兌澤。上初二艮手持震

巽木驅坤牛而乾金以入坤土中有澤焉。上巽入而下

震動。巽為股為進退。震為足為動。耕作之象也。耒即耜

之柄。耜即耒之端。耜端銳故斲木耒柄曲故揉木。耒耜對舉

文也。單舉耒可兼耜。夏小正緯耒祭是也。耜可兼耒。詩良耜覃耜是也。是皆取益之象。若

卦名則益人者莫稼穡若也。

日中為市。致天下之民聚天下之貨交易而退各得其所。

蓋取諸噬嗑三三

離日在上。震為大塗為足為動在下。艮為徑路為山。二

四互坎為水。三四五互坎。山水珍錯之所出。天下之貨之象

也。震升坎降。艮止。交易而退。各得其所。市之象也。卦名噬嗑。食也。市井交易。飲食之道。

神農氏沒。黃帝堯舜氏作。通其變。使民不倦。神而化之。使民宜之。易窮則變。變則通通則久。是以自天祐之。吉无不利。黃帝堯舜垂衣裳而天下治。蓋取諸乾坤。三三

黃帝以土德王。堯以木德王。舜以金德王。洪荒之世。民俗淳悶。風氣日開。守舊易倦。因其變而通之。變羽毛穴居。爲衣服宮室。則民不倦矣。創制難宜。化其迹而神。之化。獠獠狃狃。爲制度文章。則民宜之矣。凡此皆因天地富有日新自然之變化而革。以去故鼎。以取新神通如。

天地即如易道之窮則必變。如老陽老變則必通陽少
陰之通則必久循環无窮黃帝堯舜一天地也一易也
是以自天祐之吉无不利也。垂衣裳而天下治。取諸乾
坤精之則至德符於易簡變化。取諸陰陽顯之則去樸
陋而爲文明。繪於衣者日月星辰山龍華蟲輕清以象
天。繡於裳者宗彝藻火粉米黼黻重濁以象地。无爲而
治。一乾坤之易知易從也。

剡木爲舟。剡木爲楫。舟楫之利以濟不通。致遠以利天下。
蓋取諸渙。三三

益曰木道乃行。中孚曰乘木舟虛。渙曰乘木有功。獨取

渙者益則震與木而无坎水中孚則與木在兌澤上而非坎水通流不能致遠渙則與木在坎水上无遠弗届矣同舟之人胡越同心雖渙散獲濟剝木虛其中剡木削其外

服牛乘馬引重致遠以利天下蓋取諸隨䷐

服牛以引重乘馬以致遠內動而外說互艮二三動止得時艮為手互巽三四為繩直手持繩御牛馬行震為大塗之上故取諸隨又有不疾不徐隨隨而行之意

重門擊柝以待暴客蓋取諸豫䷏

坤為闔戶艮為門闕

二三四互艮

坎為盜為暴客

三四震為

動即擊柝也卦名豫又有豫防之意

斷木為杵掘地為臼白杵之利萬民以濟蓋取諸小過



上震木動互兌金為之端三四杵也斷木為之下艮土

止互巽以入之二三四白也掘地為之震足動之艮手持

之春之象也詩曰或春或揄是也

弦木為弧剡木為矢弧矢之利以威天下蓋取諸睽

坎於木為堅多心為矯輮為弓輪三四五弧即弓也弦

即矯輮之意離為矢兌金以剡之所以威天下之睽隔

也朱氏曰知未耜而不知白杵之利則利天下有未盡

故教之以杵臼之利。知門柝而不知弧矢之利。則威天下有未盡。故教之以弧矢之利。

上古穴居而野處。後世聖人易之以宮室。上棟下宇。以待風雨。蓋取諸大壯。䷡

穴居野處順乎坤。上棟下宇戴乎乾。上震動而澤隨。三兌。風雨之象也。乾為高為長。震東方木。棟宇之象也。卦名大壯。則壯而鞏固也。

古之葬者。厚衣之以薪。葬之中野。不封不樹。喪期無數。後世聖人易之以棺槨。蓋取諸大過。䷛

與木入於下。固歸坤土之象。而所取尤在承天。三三四五

皆互死者既安。死生之心皆說。上兌也。送死大事。當過於厚。故取諸大過。

上古結繩而治。後世聖人易之以書契。百官以治。萬民以察。蓋取諸夬。三三

自取諸乾坤至此皆通變神化之事。上古事簡。結繩可治。中古事煩。易以書契。書文書法。天之文也。契信約。法天之信也。乾爲君爲父。命可行於下。乾剛以堅其信。兌說以達其情。故百官以治。萬民以察。此垂裳之治。皆在書契中。取諸夬以書契決事也。

右第二章。此申上章理財正辭。禁民爲非之意。仁之至。

義之盡於制器。尙象見之。

是故易者象也。象也者像也。

結上章以起下文。文日月爲易。故曰懸象著明。莫大乎日月。仰觀俯察。无一非象。上章制器尙象。其顯然者也。象也者。卽像其似者。使人想像而知其理也。謂其象人而出也。故像字从象从人。

彖者材也。爻也者效天下之動者也。是故吉凶生而悔吝著也。

全彖爲象。分彖爲爻。言材則六爻皆具。所謂六爻相雜。惟其時物。原始要終。以爲質也。若以一爻言。則效天下

之動。天下之動有萬。易以一爻效之。以一通萬動也。動則吉凶。由是生。悔吝由是著。

右第三章。

明象卦爻天下之貞一也。

陽卦多陰。陰卦多陽。其故何也。陽卦奇。陰卦耦。其德行何也。陽一君而二民。君子之道也。陰二君而一民。小人之道也。

此卽陰陽以爲淑慝之分。扶陽抑陰之意也。本義震坎艮爲陽卦。皆一陽二陰。凡五畫。故曰奇。巽離兌爲陰卦。皆一陰二陽。凡四畫。故曰耦。陽爲君。陰爲民。
先儒標準之六十四卦。陽卦以陽爲主。陰卦以陰爲主。非也。其見於德行者。如剝豈君子之道。履豈小人之道耶。

卽見於人者也。天无二日。國无二王。家无二主人。无二心。國惟一王。卽以一君統兆民。政教號令出於一。而國治。家有家。主家事出於一。而家治。身以道心爲主。人心聽命而身治。此君子之道也。若國有二王。或蝸角分爭。或牝雞司晨。或城狐竊柄。政教號令出於二。則國亂。子陵父弟。陵兄婦。陵夫。則家亂。道心與人心爭。危微利害之心。與是非之心。角勝負。則身亂。此小人之道也。

右第四章申言天下之動貞乎一也。

易曰。憧憧往來。朋從爾思。子曰。天下何思何慮。天下同歸而殊塗。一致而百慮。天下何思何慮。日往則月來。月往則

日來。日月相推而明生焉。寒往則暑來。暑往則寒來。寒暑相推而歲成焉。往者屈也。來者信也。屈信相感而利生焉。尺蠖之屈以求信也。龍蛇之蟄以存身也。精義入神以致用也。利用安身以崇德也。過此以往。未之或知也。窮神知化德之盛也。

引咸九四爻釋之。以申明上章一君則治。二君則亂。分其心則憧憧。一其心則入神也。天下何思何慮。言思不必憧憧。朋從也。塗雖殊而同歸。以身言人之趨向不同。同歸於理之一也。慮雖百而一致。以心言人之圖維不同。同致於理之一也。惟辨理之是非不惑。事之利害然。

則天下何思何慮爲哉。寂然不動。心之體感而遂通心之用。非不思慮也。如理而止。又何思慮乎。日月寒暑往來。此天地之自然。而然者。明之生。貞明也。歲之成。貞觀也。往來屈信。人事之自然。而然者。利之生。言天下之動貞乎一者也。尺蠖龍蛇以物言。尺蠖之行。必屈以求信。龍蛇之蟄。必靜以養動。屈信同歸於一致也。學問之道。必精察乎義。以入於神。屈之致也。卽入神之精義。以致用。信之至也。致用而至於利用安身。凡一言一動。皆安安而无勉強外之信也。卽以之崇德內之屈也。由靜達於動。卽靜以養動。卽天地之顯仁藏用也。精義利用下。

學之事窮神知化上達之事蓋有不期然而然者故曰
未之或知德之盛卽天地之富有日新也此皆順其自
然奚用憧憧朋從爲哉入神自精而始入窮神愈入而
愈精天下之至精也天下之至神也天下之至變也所
謂窮理盡性以至於命也以下皆發明一則治二則亂
中爻也者效天下之動者也天下之動貞乎一者也
易曰困于石據于蒺藜入于其宮不見其妻凶子曰非所
困而困焉名必辱非所據而據焉身必危旣辱且危死期
將至妻其可得見邪

引困六三爻釋之明不能致一也是非之心不敵利害

之心利害本不足以困人而趨利辟害反陷於不忠不孝則名辱矣趨利避害本不足以爲據而據之卒也利不能趨害不能辟則身危矣古今自蹈於死亡者皆二心也

易曰公用射隼于高墉之上獲之无不利子曰隼者禽也弓矢者器也射之者人也君子藏器於身待時而動何不利之有動而不括是以出而有獲語成器而動者也

引解上六釋之言能致一也藏器於身日就月將勿忘勿助无二心焉惟能待時而動故能動而不括括結礙也若未成器而妄動其能出而有獲乎此二節明動靜之一

致不致一。則失所據。能致一。則善所藏也。

子曰。小人不恥不仁。不畏不義。不見利不勸。不威不懲。小
德而大誠。此小人之福也。易曰。履校滅趾。无咎。此之謂也。

此不能致一於始而致一於終。引噬嗑初九證之。不恥
不仁。不畏不義。以不仁不義爲无害。爲仁爲義未必獲
利也。故不見利不勸。則必見利而後爲仁義矣。不威不
懲。則必遇威而後畏。爲不仁不義矣。懲其小。卽誠其大。
此小人之福也。

善不積不足以成名。惡不積不足以滅身。小人以小善爲
无益而弗爲也。以小惡爲无傷而弗去也。故惡積而不可

掩罪大而不可解。易曰：何校滅耳？凶。

此始終不能致一者。引噬嗑上九證之。劉先主訓其子曰：勿以善小而爲勿，以惡小而爲之。善積如長日加，益而不見其益；而益自深，惡積如以火銷膏而不見其銷。而銷自甚，惡積罪大。掩之不能解之，不可。卽積不善之有餘殃也。此二節明小大之一致，能致一則懲小而无咎，不致一則積小而獲罪也。

子曰：危者安其位者也，亡者保其存者也，亂者有其治者。也是故君子安而不忘危，存而不忘亡，治而不忘亂，是以身安而國家可保也。易曰：其亡其亡，繫于苞桑。

此憂勤惕厲而能致一者。引否九四證之。谷氏曰。養尊處優曰安。宗社鞏固曰存。綱舉目張曰治。安危存亡治亂相反而相因。以爲安則危。以爲存則亡。以爲治則亂。雖否泰循環而苞桑之繫在危亡與亂治之心也。身與國家豈二理哉。

子曰。德薄而位尊。知小而謀大。力小而任重。鮮不及矣。易曰。鼎折足。覆公餗。其形渥凶。言不勝其任也。

此傲慢肆睢不能致一者。引鼎九四證之。古之人德厚猶懼位之不稱。知大猶慮謀之不臧。力大猶恐任之不舉。反之者。危亡亂之不及鮮矣。罪在覆餗者乎。在用之。

者耳。此二節明治亂之一致能致一。則危保其安不致一。則才不勝任。

子曰。知幾其神乎。君子上交不諂。下交不瀆。其知幾乎。幾者動之微。吉之先見者也。君子見幾而作。不俟終日。易曰。介于石。不終日貞吉。介如石焉。寧用終日。斷可識矣。君子知微知彰。知柔知剛。萬夫之望。

此自誠而明者之致一。引豫六二贊之。知幾其神者。至誠如神也。上交不諂。下交不瀆。何謂知幾。始而諂者。繼而媚其卒也。趨炎附勢。始而瀆者。繼而陵其卒也。傲慢恣睢。知幾則不諂。不瀆。閭閻侃侃是也。幾者動之微。人

之所忽。君子知之。言吉不言凶者。既知幾則必趨吉辟凶。故曰吉之先見。說本孔疏。不必見幾而作。謂作事也。照漢書添凶字。書曰。一日二日萬幾。又曰。惟幾惟康。故率作興事。明作有功。不俟終日。知則必行也。介如石焉。誠也。寧用終日。斷可識矣。誠至而明生也。君子知微之必彰。知彰根於微。知柔以剛濟。知剛以柔濟。詩曰。不剛不柔。敷政優優。故能爲萬夫之望也。

子曰。顏氏之子。其殆庶幾乎。有不善未嘗不知。知之未嘗復行也。易曰。不遠復。无祇悔。元吉。

此明而誠者之能致一。引復初九贊之。庶近也。幾卽上

節之幾

論語其庶乎庶近也與此同詩庶幾夙夜顏氏孟子王庶幾改之庶幾期望也與此異

之子其近於知幾乎不善卽視聽言動之間天人絕續之際未嘗不知知之明也未嘗復行行之決也不善不復行則行之必善可知復見天心不雜人欲明則誠也此二節明微顯之一致故能見幾而作不遠而復也

天地絪縕萬物化醇男女構精萬物化生易曰三人行則損一人一人行則得其友言致一也

此明天地人物皆致一也引損六三證之絪縕天地相交之氣化醇謂氣化醇懿構精男女相交之氣化生謂形化生成蓋二則雜一則專精神專於所用則生生不

窮聰明。歧於所施。則憧憧自亂。天下事皆然。得友其顯然者也。

子曰。君子安其身而後動。易其心而後語。定其交而後求。君子修此三者。故全也。危以動。則民不與也。懼以語。則民不應也。无交而求。則民不與也。莫之與。則傷之者至矣。易曰。莫益之。或擊之。立心勿恆凶。

此言反於己者。不能致一。引益上九證之。安而動。順理則裕也。危以動。從欲。惟危也。易而語。理明辭達也。懼以語。理屈辭窮也。定其交。恩誼素孚。无交而求。恩誼不治。此言君子凡事皆反求諸已。而人自應之本。之以理持。

之以恆人莫不應否則於己理未順人亦逆而報之悖
出悖入莫益或擊自取之也此二節明損益之一致能
致一則得朋之助不致一有或擊之凶

右第五章凡十一節首咸以明天下事殊途同歸申上

章一君二民則治二君一民則亂此天下事貴貞乎一
也故動靜殊途小大殊途安危殊途顯微殊途損益殊
途皆一以貫之老子所謂得一而爲天下貞者此也

子曰乾坤其易之門邪乾陽物也坤陰物也陰陽合德而
剛柔有體以體天地之撰以通神明之德

門者人所出入者也在天地以陰陽爲門萬物由之而

造化在易。以乾坤爲門。萬理由之。以出入。乾坤卽天地之陽物。陰物。形下之器也。陰陽合德。形上之理也。剛柔有體。則由體足以及用。德與體有隱見。无精粗。以剛柔爲體。卽以體。天地大生廣生之事。卽以通天地神明无方。无體之德。内外精粗。乾坤一以貫之。此伏羲氏先天之易也。

其稱名也雜而不越。於稽其類。其衰世之意邪。

六十四卦。稱名雖雜。初不踰越。剛柔之體。陰陽之德。於稽其類。如十二壁卦類也。復臨泰大壯夬乾晉升漸類也。屯蒙需坎蹇明夷困解類也。姤遯否觀剝坤豐豫類也。之類持盈大

有大畜頤鼎類也。養賢之類訟噬嗑類也。師比類也。同人家
人類也。咸恆損益既濟未濟坎離類也。皆爲衰世之意。
所謂明於天之道。察於民之故。吉凶與民同患也。此文
王後天之易也。

夫易彰往而察來。而微顯闡幽。開而當名辨物。正言斷辭。
則備矣。

彰往者。卦之德。方以知。知以藏。往察來者。著之德。圓而
神。神以知來。微顯者。卽顯而微。己具剛柔之體。而陰陽
之德具焉。闡幽者。雖幽而闡明之。陰陽之德於剛柔之
體見焉。開卽開物。成務之開。謂開發以示人。无他在當。

六十四卦之名。辨陰陽之物。繫以正直之言。斷以吉凶。悔吝之占。則易道大備矣。

其稱名也小。其取類也大。其旨遠。其辭文。其言曲而中。其事肆而隱。因貳以濟民行。以明失得之報。

稱名小。取類大。自豫至旅十二卦。稱時義之大。時用之大。時之大。皆然不獨井鼎也。其旨遠顯者。微之也。其辭文幽者。闡之也。其言曲而中者。旨雖遠而亦顯矣。其事肆而隱。肆陳也辭雖文而亦幽矣。因民之疑。貳以濟其行。以明失得之所由。此易有師保之尊。父母之親。爲衰世慮深且遠也。

右第六章此言學易當審其體思其德以善其身也

子曰易之興也其於中古乎作易者其有憂患乎

易始伏羲不名爲易故夏曰連山殷曰歸藏至文王在
美里作周易是中古也身處患難明失得辨吉凶以與
民同患全易皆然下文陳九卦特其顯然者矣

是故履德之基也謙德之柄也復德之本也恆德之固也
損德之修也益德之裕也困德之辨也井德之地也巽德
之制也

九卦皆處憂患之道當就文王彖辭言孔子大象皆餘
意履德之基者履虎尾焉懼以終始其要无咎以立其

始基也。謙德之柄者。

柄執持也。

謙卑自下。君子所以有終也。

履治己謙。接人憂患无自生矣。復德之本者。天心復見。出入无疾矣。凡治己接人。皆根於心。故曰。本恆德之固者。心不恆。則德不固。持之以恆。則常變始終不渝矣。損德之修者。損所當損。事求儉約。損其損德者。而德修矣。益德之裕者。益所當益。功求日進。益其益德者。而德裕矣。困德之辨者。困以驗其所守處。困而能辨。則處常无不辨矣。井德之地者。地以驗其所養。此地而不改易地。而皆不改矣。與德之制者。歷萬事之變。而小心以入之。然後物得其理。事得其宜。此知懼所以爲終九德。不必。

罹○於○憂○患○卽○憂○患○何○懼○焉○此○存○諸○心○者○也○

履○和○而○至○謙○尊○而○光○復○小○而○辨○於○物○恆○雜○而○不○厭○損○先○難○而○後○易○益○長○裕○而○不○設○困○窮○而○通○井○居○其○所○而○遷○巽○稱○而○隱○

敬○懼○存○心○而○和○易○外○見○和○而○至○則○和○而○不○流○謙○卑○尊○人○人○復○尊○之○尊○而○光○則○卑○而○不○諂○道○心○之○復○甚○微○人○心○之○危○必○辨○恆○則○歷○事○變○之○錯○雜○而○厭○怠○不○生○任○外○物○之○雜○投○而○厭○數○不○作○損○其○私○則○先○難○而○後○遵○平○易○之○境○益○其○德○則○長○裕○而○不○設○期○望○之○心○處○困○則○身○雖○窮○而○心○亨○井○隨○其○居○而○理○得○巽○則○稱○物○而○施○不○動○聲○色○而○措○天○下○於○

泰山之安。此九德見於事者也。

履以和行。謙以制禮。復以自知。恆以一德。損以遠害。益以興利。困以寡怨。井以辨義。巽以行權。

履以和行。禮之用。和爲貴。謙以制禮。讓者禮之實。此履道坦坦。幽人貞吉。謙謙君子。卑以自牧也。復以自知者。於善惡而知其幾。恆以一德者。歷常變而一其守。損一己之私。卽以遠天下之害。益一己之德。卽以興天下之利。困以寡怨。不怨不尤。君子之素也。於困。駢之曰寡者。不敢自信也。井以辨義。安而能慮。貞固不搖。巽以行權。精微深入。毫釐不忒也。巽之爲義。或以陽入陰。或以陰

八陽隨其所入適如乎時有不測之機極因應之妙適輕重之宜此九德見諸效者也

右第七章明君子有終身之憂而无一朝之患者此也。易之爲書也不可遠爲道也屢遷變動不居周流六虛上下无常剛柔相易不可爲典要唯變所適。

不可遠當體察於身心道屢遷當不滯於身心陰陽變動不實居其位九變八陰陽周流第虛寄其所不曰六位曰六虛者往來如寄不主故跡言虛故能包括无遺也陰陽上下无剛柔彼此相易不可爲典要有定而无定惟變所適无定而有定於交易變易中有不易之

理在焉。

其出入以度。外內使知懼。

承上文爲變所適示人出入皆有法度焉。如節初不出。戶庭无咎。二不出門。庭凶。乾之飛潛見躍及三百八十。四爻皆度也。無論外事內事。皆語人以知懼。上章三陳。九卦其顯者也。

又明於憂患與故。无有師保。如臨父母。

既明語人以知懼。又明示人以致憂患與處憂患之故。無論屯需坎蹇等卦。卽泰。師保則明之以度。父母則深。日勿恤。豐日勿憂。皆然。恤其憂。此易有師保之尊。父母之親也。

初率其辭而揆其方。既有典常。苟非其人。道不虛行。

初。謂觀象玩辭。觀變玩占之初也。率。循彖爻之辭。以揆度其方向。神无方而辭有方。典常之理存焉。不可爲典要。變易也。此易之兩而化。既有典常。不易也。此易之一而神。苟非其人。道不虛行者。神而明之存乎其人也。易道與天地常存有其人而易道不加多无其人而易道不加少。學易於度於懼求之近矣。

右第八章

此言變易不易之道待其人而後行也。

易之爲書也。原始要終。以爲質也。六爻相雜。唯其時物也。

質猶體也。物猶事也。始。初爻終。上爻。原其始以要究其

終。以爲質體。謂彖辭也。六爻相雜。謂剛柔雜具。六爻之中。惟其時與事物之不同也。

其初難知其上易知。本末也。初辭擬之。卒成之終。若夫雜物撰德。辨是與非。則非其中爻不備。

初爲本。上爲末。

大過彖傳。本末弱也。

初難知。終易知。凡事皆然。六

爻亦猶是也。惟初難知也。故卽其辭而擬議之。至於終但卒成其究竟而已。若統觀全卦。則雜天下之事物具天下之德行。辨別其是非。惟中四爻乃備。蓋初時事始來。上時事已竟。惟中四爻時事之中。是非顯然也。

噫。亦要存亡吉凶。則居可知矣。知者觀其彖辭。則思過半。

矣。

居。謂。平。居。惠。迪。從。逆。吉。凶。判。矣。况。君。子。觀。象。玩。辭。觀。變。玩。占。存。亡。吉。凶。有。不。知。乎。彖。者。爻。之。全。爻。者。彖。之。分。知。者。觀。彖。於。其。全。知。其。分。得。其。一。本。可。通。萬。殊。雖。爻。義。或。申。彖。義。或。補。彖。義。而。思。過。半。矣。六。十。四。卦。皆。然。

二與四同功而異位。其善不同。二多譽。四多懼。近也。柔之爲道。不利遠者。其要无咎。其用柔中也。

同功者。二與四皆耦。柔也。異位者。五爲天子。四爲公卿。三爲大夫。二爲諸侯。二四之善不同。諸侯遠於天子。政令自由。故二多譽。辭公卿近於天子。舉動不能自主。故

四多懼。辭明四之爲近。則二之爲遠可知。柔之爲道。不利遠者。則九二優於六二。不利於遠。卽利於近。則六四優於九四。然六二雖柔。其要終歸於无咎。以其用柔而得中也。柔中者。人臣之節也。

三與五同功而異位。其善不同。三多凶。五多功。貴賤之等也。其柔危。其剛勝邪。

同功者。三與五皆奇剛也。異位者。五君三臣。其善不同也。三多凶者。善則歸君。過則歸己也。五多功者。臣有嘉謀嘉猷。惟我后之德也。五貴而三賤也。柔危剛勝。固主三言六三則危。九三則勝。正不正之分也。推之於五。卽

六五亦遜於九五。雖三十二爻。六五无大凶辭。終不如九五陽剛中正之善。柔危剛勝。並五言之。

右第九章。此論卦爻之通例。

易之爲書也。廣大悉備。有天道焉。有人道焉。有地道焉。兼三才而兩之。故六六者非他也。三才之道也。

廣大者。備天地人之道也。天道陰陽。人道仁義。地道剛柔。此三才也。初地二兼三才而兩之。故六爻而成一卦。亦三才之道也。初二地三四人五上天。

道有變動。故曰爻。爻有等。故曰物。物相雜。故曰文。文不當。故吉凶生焉。

天道有陰。陰之變動。陽變陰。陰變陽。謂之變動。人道有仁。

義之變動。仁變義。義變仁。變也。地道有剛柔之變動。剛

柔柔變剛。為變動。剛以道有變動。故曰爻。爻者效也。效變

中柔柔中剛為動。動而出者也。爻有等。有陰陽。仁義剛柔之等。故曰物謂

即其等以類。天下之事物。物相雜。謂陰陽。仁義剛柔雜

居。故斐然成文。文有當不當。當則吉。不當則凶。固矣。然

易有以不當而吉者。如大壯喪羊於易。位不當也。故惟言不當而吉。

凶。自生則當自在言外。

右第十章。此論爻之變動。天地人之理係焉。

易之興也。其當殷之末世。周之盛德邪。當文王與紂之事。

邪是故其辭危。危者使平，易者使傾。其道甚大，百物不廢，懼以終始，其要无咎。此之謂易之道也。

聖人吉凶與民同患。然非身歷其境，不能言之。危迫切身也。文即危者，使平也。紂即易者，使傾也。使者莫或使之。若或使之，究非天使，乃己使也。如慎言語，節飲食，危者使平也。反是身，必傾。懲忿窒慾，遷善改過，言物行恆危者，使平也。反是行，必傾。家國天下无不皆然。故曰其道甚大。百物不廢，惟知懼以慎終始。故作事必謀始，思患而預防。乾惕无咎，亢有悔。凡言无咎者，善補過也。不

其要元吉大吉无不利，曰无咎者，持身處世第一義也。

文王作易，其道如此。孔子

尤三致意焉。十一卦中列否鼎。示以安危。九卦三陳履。示以知懼。其曰內外使知懼。又明於憂患與故。此卽堯舜之兢兢業業。猶懼倦勤。曾子之戰戰兢兢。恆憂不免也。况乎躋山躋垤之防。載舟覆舟之戒。起居嘖笑盡屬危機。豫大豐亨卽爲禍本。漢武唐元其明徵也。吁可畏也哉。

右第十一章。示人以知懼。致叮嚀之意也。

夫乾天下之至健也。德行恆易以知險。夫坤天下之至順也。德行恆簡以知阻。

承上章知懼而言。本此易簡之德行也。苟非易簡則機。

巧變詐求免險阻卒蹈險阻比比矣易簡原於天地見
於易之乾坤乾之德行至健无私本此平易而天下之
險盡知之險自上蓋險不足以知險易則知之而不陷
於險如明見暗坤之德行至順不拂本此簡約而天下
之阻盡知之阻自下蓋阻不足以知阻簡則知之而不
陷於阻如執要治煩知險知阻則愈知懼无他易簡而
天下之理得也

者能說諸心能研諸侯之慮定天下之吉凶成天下之亹亹

侯維也

侯文王孫子之侯非衍文

能說諸心者謂易簡之理本吾心

之固有自得於中能無說乎所謂德也能研諸侯之慮者諸凡圖維之慮爲吾身所當盡研極其精慮而得焉所謂行也說心則靜而明故能研天下之幾孰吉孰凶研慮則精而當故能成天下之事亶亶不倦曰能者卽聖人成能之謂也

是故變化云爲吉事有祥象事知器占事知來

蘇氏曰易簡者无不知也凡天地之變化人事之云爲

皆知之故吉事必知其祥瑞

如伏羲畫卦龍馬負圖大禹演疇神龜獻書象

事謂觀象足以制器

如取離取夬等

占事足以知來

如大衍此

易簡之德之著者聖人斯由作易也

天地設位聖人成能人謀鬼謀百姓與能

天地本易簡之德而設位聖人本易簡之德而成能言作易也先人謀者人必以易簡之理洗於心而謀之然後質諸鬼神易不爲小言筮易也百姓日用而不知何以與能易簡之德百姓所同得於天者也

八卦以象告爻彖以情言剛柔雜居而吉凶可見矣

情實也伏羲畫八卦易簡之理形諸象以告人文王周公作彖爻易簡之理徵諸實以明言剛柔雜居於六爻得易簡吉失易簡凶遂昭然可見矣

變動以利言吉凶以情遷是故愛惡相攻而吉凶生遠近

相取而悔吝生情偽相感而利害生凡易之情近而不相得則凶或害之悔且吝

剛柔雜居則有變動有吉凶變動以時措之宜言者權不離經歸於易簡也吉凶以易簡之實遷者化凶爲吉不外易簡也愛惡遠近情偽或以比應言比爲近應爲遠同此相攻相取相感之人居有遠近情有愛惡行有情偽而吉凶悔吝利害由是生也或以時德位言愛惡者時所生如否泰遠近位所限情偽德所發二說俱有發明愚按剛柔者立本者也變通者趨時者也易簡者剛柔之本立其本然後可以變動趨吉辟凶相攻相取相

感。人。之。情。也。愛。惡。之。情。切。故。主。吉。凶。遠。近。之。迹。疑。故。主。悔。吝。情。僞。之。積。深。故。主。利。害。要。之。易。簡。之。理。足。於。己。則。有。吉。利。而。无。凶。害。與。悔。吝。易。簡。之。理。不。足。於。己。則。凶。害。悔。吝。而。无。吉。利。况。相。攻。相。取。相。感。耶。近。而。不。相。得。則。凶。或。害。之。悔。且。吝。近。而。相。得。則。吉。利。而。无。悔。吝。可。知。矣。蓋。近。不。相。得。必。其。惡。相。攻。僞。相。感。而。易。簡。之。德。盡。亡。獨。舉。近。言。者。非。於。遠。者。有。恕。辭。特。未。甚。耳。六。爻。皆。此。意。聖。人。身。體。易。簡。憂。世。之。深。心。苟。逐。逐。焉。計。較。於。吉。凶。利。害。失。之。遠。矣。

將叛者其辭慙。中心疑者其辭枝。吉人之辭寡。躁人之辭

多誣善之人其辭游失其守者其辭屈

李安溪曰此舉凡人之辭以明聖人之有憂患故其辭危說誠善矣愚謂辭慙者易簡之良未昧也辭枝者易簡之理未晰也辭寡者實體易簡之德不煩言也辭多者忘乎易簡之實徒多言也辭游者賊乎易簡之善匿其跡而游移其辭以動人之聽也辭屈者悖乎易簡之道盡失所守反於已而无據故屈也

右第十二章此論易簡之切於人以終首章易簡之理而成位乎其中之意蓋易簡者天地之至德人所同得以生者故自有易而乾確然示人易矣坤隤然示人簡

矣。所謂天下之動貞乎一者此也。立本以趨時者此也。夫相攻相取相惑。天下之險阻極矣。將叛中疑誣善失守。人心之險阻極矣。惟易簡足以知之。是理也。義文周作。易已備。孔子特明指以示人。蓋人生在於知懼而知懼歸於易簡。此聖人默而成之。不言而信。存乎德行者。所謂易簡者何。天理良心是也。是以君子務窮理而貴存心。

雜卦傳

乾剛坤柔比樂師憂臨觀之義或與或求

乾純陽坤純陰曰剛柔以質言也比則相親相愛而情
樂師則相爭相殺而心憂臨自上臨下觀自上觀下去觀
聲其義一也飲食教誨自上與之給求養欲自下求之
臨觀之義兼求與與非以與爲臨以求爲觀也

屯見而不失其居蒙雜而著

屯動而見不失居之靜蒙昧而雜著其體之明

震起也艮止也損益盛衰之始也

以理而起爲震起以理而止爲艮止震艮皆陽陽有理

而○无○欲○也○損○損○下○益○上○益○損○上○益○下○似○損○衰○而○益○盛○不○知○損○而○不○已○必○益○損○雖○未○盛○已○爲○盛○之○始○也○益○而○不○已○必○決○益○雖○未○衰○已○爲○衰○之○始○也○作衰盛之始非

大畜時也○无妄災也○萃聚而升○不來也○謙○輕○而○豫○怠○也○

德○果○大○畜○遭○時○不○偶○可○以○云○時○孤○陋○者○不○可○云○時○也○身○果○无○妄○災○自○外○來○可○以○云○災○缺○憾○者○不○可○云○災○也○非○萃○聚○无○以○爲○升○學○優○而○仕○此○其○理○也○既○升○而○求○萃○聚○以○政○爲○學○非○其○時○矣○故○曰○萃○聚○而○升○不○來○也○謙○卑○則○自○輕○豫○盈○則○自○怠○受○益○招○損○之○戒○也○

噬嗑食也○賁无色也○兌見而巽伏也○隨无故也○蠱則飭也○

過飮傷生。適可自合。噬嗑得食之正也。致飾則盡。反樸還淳。貴貴色之无也。兌說見於外。巽入伏於中。英華之發和順之積也。隨則无故。我之見義在隨人。蠱則有整飭之心。道存幹蠱。

剝爛也復反也

陰氣盈而陽虛其外。必爛。陰氣消而陽息其內。必反剝。則自有而无。復則自无而有也。

晉晝也明夷誅也井通而困相遇也

晉明出地上。爲晝盛明也。明夷明入地中。爲誅滅明也。序卦先困而後井。塞而通也。雜卦先井而後困。通而塞。

也。井養不窮。困亨不失。井通而困相遇者。時也。困而能亨者。道也。

咸速也。恆久也。渙離也。節止也。

咸之爲速。則昏姻以時。无梅標之歎。恆之爲久。則君子偕老。无桑隕之嗟。此言夫婦之道也。極言之。聖人感人心。而天下和平。咸速也。聖人久於道。而天下化成。恆久也。渙離則室。家不保。黃鳥之不可與處也。節止則室家相慶。鴻鴈之其究安宅也。

解緩也。蹇難也。睽外也。家人內也。否泰反其類也。大壯則止。遯則退也。

解。動乎險外。有寬緩自得之情。蹇止乎險中。有患難憂危之慮。睽則情義乖離。一家猶胡越。故曰外家人。則恩誼固結。胡越猶一家。故曰內也。天地陰陽。君子小人。相爲消長。否泰固反其類。卽自泰而否。復於城隍。自否而泰。繫於苞桑。亦然大壯陽方盛也。則止者。寵利不居也。遯陰將盛也。則止者。見幾而作也。禮三揖而進。一辭而退。其難進易退。有如此者。

大有眾也。同人親也。革去故也。鼎取新也。

非。悉主。悉臣。不可謂眾。非一心一德。不可謂親。故必大有。然後謂之眾。必同人。然後謂之親也。革去故。則去其

濁而挹其清。鼎取新則變其腥而獻其熟。天德王道則去其舊染之污而取新也。

小過過也。中孚信也。

飛鳥之羅。是謂災眚。過雖小。不得不謂之過。豚魚之格。是爲中孚。孚非中。不得謂之信也。

豐多故也。親寡旅也。離上而坎下也。

豐盛則多故。舊故舊不遺。非豐而自豐也。親寡則爲旅。戶庭不出。非旅而自旅也。離火炎上。坎水潤下。水火之性。卽人之性也。

小畜寡也。履不處也。需不進也。訟不親也。

臣畜君民而密雲不雨則慮其力之寡而難勝身履險阻而虎尾噬人則惕乎心之危而不處需遇險而不進即欲進而猶退訟已成而不親雖至親而亦疏矣同人親也

天下猶一家訟不親也骨肉猶寇讎

大過顛也姤遇也柔遇剛也漸女歸待男行也頤養正也既濟定也歸妹女之終也未濟男之窮也夬決也剛決柔也君子道長小人道憂也

此八卦不取相對而取次第猶序卦也前五十六卦相對先天易也此八卦次第後天易也大過顛也卦曰大過謂陽過也顛不在陽過在本末弱也本末之弱尤在

於本以一陰生於下致顛之由也陰生於下爲姤初二
姤遇也以柔遇剛明致顛之由自柔始自小人始也以
小人致顛可不救乎救之以男女飲食之道得其正耳
漸女歸吉待男行上初二則男先女女從男猶君禮臣
臣事君受質不苟也頤養正也五上初飲食得其正受
祿不苟也君盡君道臣盡臣道至旣濟而三陰三陽皆
得位故曰定也又何顛之有乎不然歸妹女之終四上初
歸妹男不以禮來而女歸之自媒也猶君不以禮來而臣
歸之自鬻也臣失臣道由於君失君道未濟三陽三陰
皆失位男道之窮男失其爲男而女不以禮進猶君失

其爲君而小人。不以禮進。此所由顛也。然則救顛之道。決去小人而已。夫決也。三四五剛決柔也。始焉柔遇剛。所以致顛。終焉剛決柔。所以救顛。蓋必君子道長。小人道消。始爲純乾。郅治之世。二三四五乾。不曰消曰憂者。明小人雖去。憂未已。能保其不復遇而復顛乎。此易所以始終知懼也。

雜卦者。孔子取文王六十四卦。雜而言之。有相對有相因。有相生有相反。有相成。其義雜見。所謂雜物撰德也。易上經三十卦。首乾坤。下經三十四卦。首咸恆。雜卦亦然。易上經終坎離。雜卦自乾坤至井困。明自有天地以

來爲通爲塞。天地之不齊也。易下經終既濟未濟。雜卦
自咸恆至夬。明自有夫婦人倫。去小人。道所當然也。自
乾起天也。自夬終。決去小人。則爲純乾。亦一天也。蔡氏
來氏以後八卦有錯簡。易以大過頤既濟未濟漸歸妹
姤夬甚非也。自大過以下。固變通治亂之相因而一卦。
互六卦之旨在其中。既濟未濟流貫於六十四卦之理。
亦在其中。如大過初二三四互姤。上初二三互漸。而既
濟行其間。四五上初互歸妹。而未濟行其間。三四五上
互夬。至夬剛決柔。二三四五互純乾。而大過不顛矣。此
天地自然之理數。孔子於大過而既濟未濟流貫於六

十四卦中者。卽虞仲翔解元亨利貞至旣濟乃定之意。
如人生无一日不在旣濟未濟之中。猶饑飽之相因也。
此意義甚顯而難與膠固者道耳。
詳總論意本啓蒙。

後跋

余少讀易心竊慕之及長從 耒廬馮老夫子游聽其說
易且晝不輟津津有味心愈樂之夫易未易言也而又不
可不言也庚寅辛卯館於潢深覃思易理謬爲折衷間亦
竊附己意名曰述翼蓋述孔子附翼周易之意也書成以
呈黎培先生一見便說曰是書也堪問世矣余曰何敢自
是以來館於羊城館於羅定館於始興館於香山翠微輒
以是書訓生徒教子孫屢經改訂已十數年於茲矣今壬
寅歲復館始興有鄧生世驥者借予書手抄魏生德峻曰
抄本之難不如刻本之易也抄本之狹不如刻本之廣也

傳之於今不如傳之於後也請付剗余曰是梨棗之災也無庸因固以請魏生倡焉黃生翀從而和焉及門之士復從而和焉卽未及門如鄉先生者亦樂而成焉因付梓道光二十二年壬寅八月五日黃應麒厚菴跋於始邑文
明書院